

## Konkomba - Butob Aajab Uwumbor Aagbañ - Soldiers Scriptures

### Efesus Yaab 6:10-18

- 10 Nnaabitib, gbengbeln yaan le ye ke Tidindaan aah kpa mpcoñ sakpen pu na, ni li kpa mpcoñ mu u tii nimi na.
- 11 Yoor man tijawan timok Uwumbor tii timi na. Nima le ga cha ni ñmaa yii kinimbøñ aanyamøn aalan.
- 12 Naa ye binib le ti jaa kijaak. Ti jaa kinimbøñ aanikpiwanbir ti bi paacham ki kpa mpcoñ ki joo dulnyaa aanib bi bi mbombcoñ ni na le kijaak.
- 13 Nima pu na, ni yoor tijawan timok Uwumbor tii timi na. Nima le ga cha ni yii kinimbøñ, ki nyan ki, ki li beenin si bundaln ki ga jan nimi kijaak na.
- 14 Nima pu na, gor nibaa man ki ti jan kijaak. Ni li joo Uwumbor aabor ti ye mbamøn ki naahn ligbapapaln na; ki li kpa mbimbinyaan mu bi ke tikur ti bii kibiñ pu na;
- 15 ki li tak ñjinaatak ñi ye tibonyaan ti tii timi nsuudoon na;
- 16 ki li ñani Yesu Kristo naadii, naadii bi ke kipeln ki ga kiir kinimbøñ aapiin i wu ke mmii na;
- 17 ki li chik tikur aayikpupuk ki ye Uwumbor aapoñ mu gaa nimi lii na; ki yoor Uwumbor aabor ti naahn kijaak aajuk ki Waafuur Nyaan di tii timi na;
- 18 ki li mee Uwumbor ki gañni u ke u ter nimi. N-yoonn momok ni li mee u mbimbin momok pu. Waafuur Nyaan aah mok nimi pu na, ni li mee u kina, ki taa geeni man, ki taa di cha man. Ni li mee u n-yoonn momok ki tii waanib momok,

### Ilahn 91:1-16

- 1 Unii umok chaa Uwumbor chee ti ban nkiirm na, unii umok bi Uwumbor Mpcoñsaakpiindaan aañaal ni na
- 2 ga bui u ke, "Sin le kii mi ki joo mi. Sin le ye Maawumbor, sin pu le m mak."
- 3 U ga nyan si tibøbir timok bøñ na ni, ni nkun aaween momok ni.
- 4 U ga taln waafeen biin aa pu; aa ga kan u chee ñjermarm; waanjann le ga li kii si ki joo si.
- 5 Saan san kinyeek aajawaan ibaa, kaan san nwiin pu aabolirkaan tibaa,
- 6 kaan san tiweenbir ti chur binib mbombcoñ ni na, kaan san nwiin pu aawanbir ti ku na.
- 7 Nibaakan, lichur ga lir ki kpo aa chee, le ñichur kipiik do goln si, le nibaa aan ña sin ma.
- 8 Aa ga lik le ki kan Uwumbor aah dar bibiindam aatafal pu na.
- 9 Aa di Uwumbor le ña u kiir si na, Mpcoñdaan u bi Paacham na le ye saakikiir,
- 10 kina pu na, kinimbøñ kibaa aan kan si, mbimbinpoñ mubaa aan duun ni saadichal.
- 11 Uwumbor ga cha waatuuntiib li joo si ki li kii si nimok aa cha na.
- 12 Bi ga li joo si binjaal ponn ni paacham, aataal taa gbeer ñitakpal.

- 13 Aa ga taa taa ichinn ni ikuub pu, aa ga taa taa ichinn ni ikuub i bir na pu.
- 14 Uwumbor bui ke, "M ga gaa binib bi gee mi na lii, ki li kii binib bi nyi mi ke m ye Uwumbor na.
- 15 Bi yaa yin mi kan, m ga kii baayim; bi yaa bi tibor ni kan, m ga li bi bi chee. M ga nyan bi tibor ni, ki nyuŋ bi.
- 16 M ga di limofafɔfɔŋ le tii bi; m ga gaa bi lii."

### Ilahn 18:1-50

- 1 Uwumbor, maah gee si pu na aa kpa ɳjaŋ. Sin le ye maapɔɔn.
- 2 Uwumbor le ye maakikiir; uma le ye maajawan aatiŋ ki pɔɔ na. Maawumbor le ye u kii mi na, le m yaa bi u chee kan, m ɳmar. U kii mi ke kijaak aapeln na la; u kii mi le m bi ɳjnmarm ni.
- 3 M yin Uwumbor, le u gaa mi maadim chee lii. Pak Uwumbor man.
- 4 Nkun aanimaln le nan mann gob mi; mbiin aabuln nan mann goln mi.
- 5 Nkun aanimaln le nan mann gob mi, le likaakul pen mi laagaawɔb.
- 6 M yin Uwumbor maamukl ni; m yin Maawumbor ki ban nterm. Le u bi waadichal ni ki ɳun maaneel; u nan ɳun maaterm aawiil pu.
- 7 Le kitij dam ki den; ɳijoo aah baa nin chee na dam ki jii, ba pu? Uwumbor aanjuul le nan fii.
- 8 Iŋmanyuu nan nyan ni umofataabun ni, le mmiigaal, ni mmiisakɔn nyan ni umɔb ni.
- 9 U nan daa kar kitaalangbaŋ ki sunn ni, le ntaalangbam bɔmbɔm bi utaapɔtan taab.
- 10 U nan fii mala, tiwan ni kpa ifeen na pu, u nan chuun libuln pu la.
- 11 U nan di mbɔmbɔɔn le biin ubaa pu, ntaalangbam mu nyuun ki gbii ntaanyun na le nan mann goln u.
- 12 Ditaatakpal ni mmii mu moor na le nan gaal ki loln u pu nsan, le ki woln ntaalangbam mu nyuun na ponn ni.
- 13 Le Uwumbor bi kitaapaak ki teen ke utaal na; le binib mɔmɔk ɳun Uwumbor u kaa kpa ɳeen aato na aaneel pu.
- 14 U nan too waapiin, le waadim yaa; u nan cha utaal moor, le bi san.
- 15 Buyoonn Uwumbor aanjuul fii, aan u kae waadim ki ɳuun ke uchinn na, nnyunsakpem aataab nan doon nkuun, le kitij aah baa nin chee na chuu piir waan.
- 16 Uwumbor nan nyan ni paacham le ki laan chuu mi; u nan daa nyan mi nnyun mu nyoo na ni.
- 17 U nan gaa mi maadim bi pɔɔ sakpen na chee lii, ki gaa mi binib bi mɔmɔk nan mi na chee lii, ba pu? bi nan pɔɔ jer mi.
- 18 Maah nan bi tibor ni na, le bi nan tak mi, le Uwumbor nan kiir mi.
- 19 U nan nyan mi linimaln ni; usui aah nan piin m pu, pu na, le u nan gaa mi lii.
- 20 Maah tun ni ɳan na pu na, le Uwumbor pan mi kina aapal; maah kaa tun taani ubaa pu na, le u ɳani waanyoor ɳani m pu.
- 21 M kii Uwumbor aakaal; maa fenn mpuwɔb tii Maawumbor.
- 22 M dii waakaal mɔmɔk; maa yii waamɔbon.

- 23 U nyi ke maa ḥa taani ubaa, u nyi ke maa tun titunwanbir.
- 24 Kina pu le u pa mi maatunyaan pu, ba pu? u nyi ke maa tun taani ubaa.
- 25 Uwumbor, binib bi si aapuwob na, aa mu si bipuwob, ki ḥan sakpen, binib bi ḥan na chee.
- 26 Aa bi chain, binib bi bi chain na chee, le ki nan bibiindam.
- 27 Aa gaal binib bi sunn bibaa taab na lir, le ki sunn binib bi kpa kigaak na taab.
- 28 Uwumbor, sin le tii mi nwiihn; sin le jenn maabombocoon.
- 29 Sin le tii mi mpocoon ke m di tak maadim, ki tii mi mpocoon mu m joo nyaqni tiwan ni kii bi na.
- 30 Uwumbor ma aabimbin ḥan ti nyaq le aa ga ḥmaa li kpa waamobon pu limakl.  
U naahn kijaak aapeln le ki tii binib bimok ban waaterm na.
- 31 Uwumbor baanja le ye Uwumbor; Uwumbor baanja le ye u kii timi na.
- 32 Uma le ye Uwumbor u tii mi mpocoon na, uma le nyani tibobir maasan ponn ni.
- 33 U cha m san mala mala ke upeman na; u nyani mi linimaln ni, ḥijoo paab.
- 34 Uma le bae mi butob aabaem, le m ḥmaa joo butob bu pooc sakpen na too.
- 35 Uwumbor, aa kii mi, le ki gaal mi lir, saaterm tii mi liyimbil, le saapocon tii mi ḥnjarm.
- 36 Saa cha maadim chuu mi, le maa kee lir.
- 37 M san dii maadim, le ki chur bi; see m ti ku doo bi, le ki nin sil.
- 38 M gbaa bi bilni, le baa ki ḥmaa fii, m nyaqni bi, le bi do nnimbiin ni.
- 39 Aa tii mi butob aapocon ki tii mi linyaq maadim pu.
- 40 Aa cha maadim san m chee la; le m ku door binib bi nan mi na.
- 41 Bi wii ban nterm, le ubaa mu aan gaa bi lii; bi yin Uwumbor, le waan gar bi.
- 42 M nan bi, le bi kpalcitangbaak ki libuln daal joo cha na. M taa bi pu kitin ponn ni ke tikpakpar na la.
- 43 Aa gaa mi binib bi yii maamob na chee lii, ki ḥa mi ḥitimbol aayidaan, maah kaa nan nyi binib bi na le gur ye maatutum.
- 44 Biwoowom gbaani nnimbiin ni la; m yaa len kan, bi keei maamob la.
- 45 Bitaakpab yol la, le bi san gbeer nyani baajawan aatim ni.
- 46 Uwumbor bi n-yoonn momok. Pak maakikiir man. Moon man ke Uwumbor pool; u gaal mi lir na pooc sakpen a.
- 47 U tii mi linyaq maadim pu; u sunni ḥitimbol ḥani ntaapotan ni,
- 48 ki gaal mi maadim chee lir. Uwumbor, aa tii mi linyaq maadim pu ki kii mi bijab bi bir na chee.
- 49 Kina pu le m pak si ḥitimbol ponn ni; m gaa ilahn ki pak si.
- 50 Uwumbor le tii mi, waabor, linyaq sakpeln ngbaan; u mok waah lee u na ngeehm n-yoonn momok la, u mok mi, David, ni n-yaabitiib waageehm ki ti saa n-yoonn mu kaa kpa ndoon na.